

四庫全書

集部

欽定四庫全書

集部

敬業堂詩集卷二十四

詳校官左中允臣瑋五珠

助教臣常循履勤

總校官庶吉士臣倉聖脉

校對官庶吉士臣吳裕德

謄錄監生臣徐彩

欽定四庫全書

敬業堂詩集卷二十四

翰林院編修查慎行撰

賓雲集

戊寅四月

春來旣以近遊名集是夏復偕竹垞先生作閩南
之行淵明所謂饑來驅我也往返五閱月共得詩
若干首唱酬者居其半釐為三集曰賓雲者紀遊
武彝也曰炎天冰雪者取諸噉荔也而以垂橐終

焉中間聯句數章竹垞已刻入曝書亭集茲不復
刪義取各見存題目也

初發江干

江路羊腸迴江風羊角合

丘長春西遊記風初起如羊角者千百須臾合為一風可

證莊子羊角而上揚

漸近漁浦潭忽失六和塔

自漁浦挂席至富陽聯句

扁郎唱櫓雨初消

餘悔

突起東風送客船百里晴山低似

屋垞一江新水健於潮

舟人謂江暴漲時海潮不得上

得攜老伴無拘

東悔縱是貧遊未寂寥，況有月波春甕在。竹隔船不乏

酒人招悔

又聯句一首

江山小船急浪衝竹疾若鷺鳥凌霜冬悔灣濶忽轉赤

亭岸竹俄頃不見南高峯悔鱗魚出網白尾尾竹烏柏

夾路青茸茸悔井西道人畫不得竹暖翠浮嵐如此濃

悔

和竹垞雨泊桐廬限腹字

灘聲遠初喧山色晚逾綠
宵宵城上鐘濛濛雨中屋平
生湖海夢又近嚴陵宿濯足有烟波胡為加帝腹

和竹垞七里瀨限脚韵

老鼃没水風旋作合江亭西石勢惡兩蛇對走赴一壑
雲端百丈挽山腰井底孤蓬轉山脚

瀧中吟

俗作龍亦作龍葉夢得避暑錄辨
其編云當作瀧閭江及今從之

瀧中亂峯高插天瀧中急水折復旋瀧中竹樹青如烟
白龍倒垂尾蜿蜒洩雲歛霧為飛泉晴光一線忽射穿

雨點白晝打客船船行無風七十里一日看山枕樓底

有風七里無風七
十里灘中口號

晚次汝步乘月抵蘭谿城下

飛盡漁灣白鷺鷥眾師逆浪上灘遲
蘭溪城外數錢女
月出未收青酒旗

雨發東峰亭

昨日不料風今朝不料雨
生涯昧所向智不如商賈聊
為山水遊旅興時一鼓東峰
吾舊識嘉樹紛可數中流

乍回頭悵若辭地主三衢渺何處去去信柔櫓

自此西
行余遊

蹤向所
未歷

水碓聯句四十韻

百灘趁漸江昏旦鳴不息

竹

大波恣奔放小波迴汨渚

悔居人擅水利審曲引使直

竹

其長走蛟蛇其廣納溝

減悔

遏防激之怒徑隘流轉亟

竹

夫豈水性然適來遭

勢偪

悔

于焉扼其吭壘石添檠杙

竹

椽茅架小屋度地

隨偃仄

悔

斲木為巨輪當衝立樞極

竹

旁安三十輻輻

輻輳斤墨

悔

龜絲交兩兆鬣甲支九肋

竹

括張等虞機

璇運就圓則

悔

江心鏡欲躍海底月半蝕

竹

滅頂囚人

騰升陟壯士踣

悔

尻高首或下後湧前忽匿

竹

團團牛

旋磨匝匝鴉翻糞

悔

棗軸貫中央有如著在扞

竹

循環

觸牙動揚者必先抑

悔

石白質本頑甘為杵所賊

竹

昂

然馬騰槽俛若鶴啄食

悔

砮砮應闢楨次第符漏刻

竹

擣紙十萬牋取禾三百億

悔

糠秕除未盡藤竹需孔棘

竹一為機事牽焉得休汝力

悔

先王昔制器取象配卦

德竹舟楫涉大川耒耜徂畛域悔養生務佃漁分壤別

動植竹隣歌答春相作苦爰稼穡悔俾習四體勤羣黎

無懈忒竹後世技巧繁淫竒難忖測悔桔槔輓轡作便

利成典式竹紛紛鑿渾沌一一騁胸臆悔能令蠢者靈

通者忽以塞竹即此水碓論用意畧可識悔居然役造

化安坐無忤色竹乃知天生民若苗之有莖悔夜來山

雨驟趨漲漫澤國竹沙崩岸漂沈有械施不得悔物成

久則毀茲理復何惑竹逸豫安可貪民勞宜率職悔

和竹翁衢州城下作

開府專征地孤城盜賊邊身常當矢石險豈恃山川劉

凜何知反睢陽竟得全白頭遺老在對客話當年

甲寅
乙卯

之亂武定李文襄公鎮
此浙東西數郡獲全

篁步

去衢州二十
里地產柑橘

百折金川水東流下石門碓牀聲不斷炭隴氣長昏小
屋椽欄岸踈籬橘柚村荔支方入貢剩爾未移根

常山山行

常山小城如破驛細路多嵌彈丸石一乘竹轎役兩夫
雜選前行隨估客憐渠僱直止百錢為我赤脚頰兩肩
我今亦復被物役何暇悲人還自憐

和竹垞沙谿鋪

山田早插綠秧齊小犢新生未架犁
閒背村童浮水去牛欄只在岸東西

龔家渡夏文愍公墓道作

東市朝衣血西江野哭魂已無鄉社祭猶有墓門存亂

水荒阡斷悲風宰木昏鈴山籍官後得諡即君恩

自焦石塘抵鉛山河口兩岸石山獐劣上無寸
土草木不生作詩嘲之並邀竹垞先生同賦以
傳好事者

爾雅釋山名類族紛可數土山或戴石石山或戴土草
木別有無無者名曰岵挾筴事出遊舊聞證新覩一山
一巨石突兀向江許若被烈火焚禿鬣了無取于獸燂
其毛于鳥剪其羽于人為寡髮渾沌出太古無心腹腎

腸無耳目肱股大疣瘳盜懸醜疾遽蔭俯陳根何處托
沈泉不得吐正坐山無情遂令旁少輔樵人弛負擔匠
氏輟斤斧塊然天地間於世爾奚補

從河口陸行至鉛山縣三十里間山水清佳老
樟古桂不記其數皆千年以外樹也所至輒流
連其下自悔舟中誚頑石之作復賦此詩邀竹
垞再和

溪迴峰巒竒雲日互虧蔽兩邊盡古木曲徑入蒼翠行

人雜負戴偃憩隨所至如開步障陰下可萬間庇想當
生材初造物本無意榮枯非分定蒙養在托地我昨嘲
頑山無端坐好事目前不見睫幾欲一槩視向來身未
經鹵莽悔輕議譬諸覘他邦不仁在高位輒云彼無人
賢者豈終棄作詩還自哂一解前言戲

鉛山城中有古樟三每歲四月白鷺來巢其間
伏雛乃去亦一異也

怪底空城老樹梢鷺鷥引隊似蘆葦魚蝦飽噉無人問

生子看看占鵲巢

和竹垞雨晴

入門雨脚垂出門雲氣遯皇天本無私邂逅適我願

紫溪道中二首

去城漸遠漸青葱畫裏谿橋曲折通無有一村無好樹
歇涼人在小亭中

壘土層層勢就低石田如罨岸如梯清泉盡是秧針水
直到山根始作谿

度紫谿嶺

渡橋正亭午白日無匿景微茫紫翠間峭崿西南頂躋
攀力已殫仰視猶半嶺迴風轉轆轤汲我出深井茅菴
冠木末快若衣振領綠樹忽交陰蒼然失人影坐來殊
氣候濁暑驚清冷匆匆行役心佳處惜俄頃

觀造竹紙聯句五十韻

信州入建州篁竹冗於蓀竹居人取作紙用穉不用老
悔
遑恤蕭笛材緣坡一例倒竹束縛沈清淵殺青特存

縞悔

五行遞相賊伐性力揉矯竹

出諸鼎鑊中復受杵

白擣悔

不辭身糜爛素質終自保竹

汲井加汰淘盈箱

費旋攪悔

層層細簾揭錫活火煿竹

舍粗乃得精去

濕忽就燥悔

擘來風舒舒暴以日杲杲竹

箬籠走南北

適用各言好悔

緬維邃古初書契始倉皞竹

自從史記

煩方策布豐鎬悔

中經祖龍燔孰敢撲原燎竹

漆簡及

韋編殘灰跡同掃悔

當時禍得脫賴爾生不早竹

漢代

崇師儒家各一經抱悔

截緝蒲柳姿刀削豈云巧竹

如

何物物智乃出寺人造

悔

麻頭魚網布棄物收豈少

竹

後來逾爭奇新製越意表

悔

山苗割藤芟水溼米苔藻

竹桑根斧以斯蠶繭機不絞

悔

澄心光緻鏡面波晶

晶

竹

研宜金粉膏繪作龍鸞爪

悔

桃花注輕紅松花染

深縹

竹

鴉青蜜香色一一隨浣澡

悔

十樣益部箋萬番

傳癖橐

竹

紛然輸館閣逝矣來海島

悔

要為日用需若

黍稷梁稻

竹

惜哉俗暴殄塗抹太草草

悔

俗詩鼃蝈鳴

俗書蛇蚓繞

竹

俗學調必排俗文說多勦

悔

流傳人有

集刷印方未了

竹

積穢堆土直餘殃毒梨棗

悔

或汚蝸

角涎或供蠹魚飽

竹

或為肉馬踏或被饑鼠齧

悔

糊窗

信兒童覆瓿付翁媪

竹

遭逢幸不幸所繫豈纖杪

悔

平

生嗜竒古卷帙事研討

竹

秘笈藉爾抄籟金非吾寶

悔

響榻溯籀斯斷碑拓洪趙

竹

提攜白刺史著錄庶可考

悔由拳法失傳將樂槽苦小

竹

楚產肌理疎晉產膚澤

槁

悔

物情相倍蓰美惡心洞曉

竹

非無雲霞膩愛此霜

雪皎

悔

小疊熨貼平捆載赴達道

竹

預恐壓歸裝又滋

征權擾悔

烏石村

修竹連山萬萬栽
斬新換葉碧如苔
特留老節非無用

歲歲生孫作紙材

村家造紙多
取新竹故云

分水關

萬斛松風捲戍樓
泉源同在此山頭
忽教一塚巖墻劃
不許東西更合流

崇安孔彙仲明府招飲縣齋池上分賦二首

南遊吾偶到北海席頻虛未敢輕修刺何當先下車客
來童掃徑衙罷吏抄書欲識閒官味君看清獻渠

樹陰齋舫合荷氣板橋灣水檻晴初倚溪門夜不關座

中無俗客管內有名山未到聞君說如遊九曲還

龔仲于座

上柱稱武
尼之勝

和竹垞幔亭

幔設曾孫宴歌傳鼓笛聲神仙如可學大抵屬多情

沖祐宮

一溪隨權轉天半削兩峯萬年宮在兩峰趾古殿入門
三五重長廊白日氣幽邃蔭以楓桂樟栴松不知中有
路但見列岫四面排高墉不知下有谿但聞嘈呖鞞鞞
相應如鼓鐘神仙高居道士俗三月四月忙於農苦言
茶味薄不足充上供客來正炎熱亟思澆此枯渴胸頭
網封裏度嶺去上品一呷霑無從明朝試扣白雲洞洞

口老僧逢不逢

武尼茶出僧製者
其價倍於道院

宿虞道士山房

晚涼新浴罷古觀有餘清一院松篁氣滿窗風雨聲
擣
齏因藥白暖酒就茶鐺預飭齋厨飯山游望曉晴

和竹垞仙蛻巖

生前不煉紫金丹身後何須白玉棺已向虛巖委枯骨
癡兒尚掃漢家壇

虹橋板歌

板為崇安潘秀才
在東所贈

潘生贈我虹橋板云此購得從仙山幔亭宴罷橋忽斷
此木皮在萬仞之孱顏蒼鷹健鷗對對巢不得但見成

羣接臂叫跳猿猴獠黃冠白足力難致間出賈者相欺
謾有時晦冥晝風雨神物欲降天為慳前者偶經此巖
下巖前白浪吞船豚忽驚片板半空落有若胎禽墮毳
飛輕翹主人大笑童僕喜謂獲至寶非空還已令巧匠
刻為佩何異袖鞭使物驅妖姦知君好奇特分贈徑尺
未許酬千鍤我時聞斯語未敢相譏訕今晨入武厄好
事搜險艱生為指其處乃在一曲二曲三曲灣初疑棧
道上露出船尾彎復如鳥鼠穴竹箭亂插同榛菅神輸

鬼運義奚取徑路斷絕誰躋攀忽憶少年日南走五溪
窮百蠻蠻人寄命巖洞裏多構柴柵臨崢嶸今之所見
正此類亦如秦客避亂來其間不然鼉輪雲馭本飛渡
豈有剝木留塵寰摩挲重是千歲物肌理駁蝕生香斑
攜歸壓書儘有用何必新奇瓌詭驚愚頑

和竹垞小九曲石壁是唐許碛題詩處故名題

詩巖

附錄碛詩間花前是醉鄉召翻王母紫霞腸羣仙拍手嫌輕薄謫向人間作酒狂

石上三生事渺茫題詩重過必芻房此中大可安茶竈

何苦人間作酒狂

和竹垞御茶園歌

宋茶貴建產上者北苑次壑源研膏京挺

南唐貢茶名

製一

變爭新鬪異凡幾番白龍之團青鳳髓輦載入洛重馬
奔武厓粟粒芽其初植未繁何人著錄始經進前有丁
謂後熊蕃君謨士人亦為此餘子碌碌安足論宣和以
來雖遞驛場未官設民不煩元人專利及瑣細高興父
子希寵恩大德三年歲己亥突於此地開茶園中連房

廊三十舍繚垣南北拓兩門先春次春徧米摘一火二
火長溫磨絨題歲額五千餅雞狗竄盡山邊村攜來詐
馬筵和入潼酪供鯨吞豈知靈苗有真味石銚合煮青
松根爾來歷年已四百御園久廢名猶存筠籃四月走
商販茶戶幾姓傳兒孫我思鱗魚橘柚任土貢微物亦
可充天閭朝廷玉食自不乏何用置局灾黎元追思興
也實禍首幸保要領歸九原山靈曷不請於帝按女青
律答其魂傳語後來者毋以口腹媚至尊

仙掌峰瀑布

接笋仙掌峰入望初聯綿兩崖訝然豁一瀑垂蜿蜒不
從仙翁指間出却穿左脅下赴六曲為奔川行人衣沾
芒屨滑拄杖直上孤雲巔崎嶇丘前石徑轉胡麻小澗
當橋邊尋源初自稻田發三里五里斷復連淺處生菖
蒲深處得種菱與蓮千年老蟾蜍爬沙亦頑仙仰天喻
其舌噴水一竅清而圓始知山前雷轟礮激千丈瀑布
水即是山背涓涓泉匏樽便向道人借我嬾欲住清涼

天

天遊觀萬峰亭

占地既已高尤難在扼要前臨殊陡絕旁睨轉孤峭羣
雄奉一尊奔赴不待召來時記目擊歷歷本形肖羊羣

呼可起

仙羊石

馬首回若掉

馬頭巖

象鼻垂彎環

象鼻巖

獅頭

仰軒趯

獅子巖

鼓鐘應考夏

鼓子峯鐘模石

龍虎谷吟嘯

卧龍潭虎嘯巖

兜鍪勇士冠

兜鍪峯

粧鏡神女照

粧鏡臺玉女峯

石笋瘦而長

接笋

峯蓮花娟且妙

蓮花峯

到亭悉殊狀變幻非意料初高後

反匿曩隱今忽跳投空翻白鴉削背掠蒼鷄烟生松外
村竹亞崦中廟清溪截羅帶已斷復縈繞澄泓鷗鷺池
中有一翁釣流觀飽創獲俯仰恣吟剽翻嗟神靈區僻
左落遠徼竒峰三十六名可配嵩少奈何韓杜輩足未
涉閩嶠山靈秘莫宣自古閉窳窳我來及新晴朗日相
照耀終疑雲霧窟滂渤尚埋竅幸賴此孤亭于焉躡翫
翫重遊果何時臨去屢回眺

坐竹薄入九曲聯句

連峰六六收蒼靄悔雨餘滑澗碎石街竹挈我栗杖樓

毛鞵悔蘭湯渡口上竹簞竹篙工初指一曲涯悔姓名

幾輩爭磨崖竹娉婷玉女峯最佳悔野花簇髻松搖釵

竹當年武尺集神媧悔歌絃鼓板金管齶竹高張雅奏

無淫哇悔子禽小蛾定爾儕竹羣仙一散後會乖悔黃

心老木委蛻薶竹爾獨對鏡留形骸悔千尋鐵障鎔頑

錯竹大藏小藏肩背挨悔山魈獨脚帝所差竹洞門石

扇呀然闔悔壑舟力負何矻矻竹其中瑰木類積稽悔

又類羽鏃抽鞞竹 水光泱泱聲泫泫悔 冥冥微徑不

可階竹 欲往金井迷鬼艾悔 深潭龍卧波流瀼竹 誰歟

釣者貪鮪鮭悔 茶園新芽出舊茨竹 僧藍道笈采摘皆

悔 可惜不逢紅粉娃竹 題詩古巖平不欹悔 精廬小於

負殼蝸悔 豈若大隱屏之厓竹 祠宇百世人模楷竹 大

書照耀銀泥牌悔 學達性天

聖德諧竹 屹然天柱高歲襄悔 勢如拱揖趨庭堦竹 須

臾路迴仙掌排悔 神臯下上車輶輦竹 竹窠桃澗雜樹

槐悔 龜浮獺控形膠臙竹 白雲蒼前雙眼揩悔 俯視九

曲縈青縞竹 新村村落尤可懷悔 新苗活水通荆柴竹

穀犬跳聒雞膠啗悔 沉無蛇虎獺猱豺竹 何時買地營

茅齋悔 畊糴漁弋與子偕竹

和竹垞建陽

考亭本是黃家墓侍御橋邊宅久空陳跡已消名姓外

好詩猶展畫圖中後來結構原因此佳處溪山遂屬公

欲買麻沙村畔屋餘年拚作蠹書蟲

唐末侍御史黃子稜自洛陽寓居建

陽東觀山菴亭以望其父之墓曰望考亭因以名里朱
文公之父韋齋先生愛建陽山水未及卜居公菴考亭
以承先志正取黃侍御之意後人專以考亭屬文公侍
御之名湮矣人過小橋頻指點全家都在畫圖間侍御
詩中
句

樟灘

小縣晨發船建溪展平綠前行三四里跳沫粗如鵠厥
名曰樟灘畜害自古酷假令勢下趨直瀉無迴躅石梁
伏水底未免防坎毒奈何三折形故作巴字曲湍奔方
有激石起陡被束一芥一針投中間不容粟兩旁劇刀

劍穽惡伺失足篙工善駕馭肯與怒機觸馴彼豨豕牙
服我童牛牯終焉脫於險初若順所欲方悟不擾心可
以遠蹶促側聞前灘多怪石難悉錄吾生不有命恐懼
隨羸僕

雨中下黯淡灘

未到先愁出險難忽驚片葉落奔湍星流電轉目未瞬
一道白光飛過灘

延平晚泊

小雨冥濛劍浦西
浮槎壓水女垣低
人家多傍翠巖住
榕葉滿城山鷓啼

水口

雨餘忽飄雨數點
山外更添山幾層
六百里灘多過盡
也如出峽到夸陵

小箬驛榕樹

古驛千年樹蟠根
積水涯細筋堅作骨
新葉嫩如花綠
處陰三畝枯邊畫一
椹散材真自幸
剪伐幾曾加

竹崎關

佛桑花根犬吠龍眼枝頭鳥鳴漸覺山平水遠郵籤報
近榕城

贈汪悔齋方伯

國家有異數畸人出當之巍巍宏博科鵷鳳集一池公
來承

主眷初亦由文詞繼乃悉公才拔萃超常資我

朝拓遐陬南不盡島夷勿輕發介使大體存羈縻曠典

偶一修擇賢誠足毗公時膺

特簡銜

命東南馳粘天駕波濤帖首馴蛟螭平生抱忠信涉足
無嶮巖肅將明明威慎重瞻丰儀必若誕文教要令崇
先師鼇背屹宮牆作記刊諸碑餘事當潤色問俗陳風
詩手持王會圖歸獻白玉墀

至尊動顏色前席為頻移迄今奉使錄燦若星日垂自
茲益嚮用歷試無不宜試公以吏治出領嵩洛伊政成

多異蹟獨創非前規試公以擊斷明決仁且慈八閩百萬戶立起殘瘡瘼試公以大藩旬宣來保釐民勞旣已暨國計終無虧凡此十年中官塗自逶迤旁無汲引力皆受

特達知煌煌名書屏屢被褒美詞行省尚見屈看人換旌麾賤子田間來於公少恩私側聞道路口籍籍皆如斯當今棟梁材大器非公誰公昔守洛陽舍弟久追隨猥蒙齒頰及佳句時或披塔前尺寸地投謁獨怪遲男

兒屬有願會合寧無期攜我作遠遊竹垞真好竒武厓
昔未到昨始慰所思此來復識公又得啖荔支何期寂
寞遊三樂併一時篇終述己意公幸勿見嗤

敬業堂詩集卷二十四

欽定四庫全書

敬業堂詩集卷二十五

翰林院編修查慎行撰

炎天冰雪集

起戊寅五月盡六月

端陽前二日初食荔支戲寄德尹時弟在蘭州

二首

荔子初紅到福州絳囊欲擘已涎流阿蘋來往如相避

笑擲閩南一度遊

弟於甲戌二月遊此四月還家未嘗啜荔也阿蘋弟小名

方紅陳紫價爭高次第行將飲老饕直作衝炎吾得計

西遊終不羨蒲桃

魏文帝以蒲桃比荔枝世譏其謬

西施舌

一名沙蛤

尤物佳名托依然住水鄉死難逃越網生只戀吳航

沙蛤

產吳航者佳

香螺

螺女江邊產形龐味特奇客厨貪一飽空殼付僧吹

梅聖

俞詩佛寺吹螺空唱嚙

蟬
閩大記一
名蝟蟬

味美尤在螯一枚十錢買自從擘蝟蟬不憶分湖鱗

鱮魚

腹下有十二足雌雄
常相負取之輒作雙

介屬魚其名雌雄同一束爬沙苦無力安用十二足

花蛤

入水化幾時登盤復充鱠剗腸誰見憐文采却在

黃螺

藏尾露兩角肉黃漫多腥時於蝸殼中自負枵然形

珠蚶

珠蚶細已甚魚鱗鷺眼許海錯幸自多烹鮮乃及汝

食江瑶柱

河豚豈不佳中毒時有之須臾聊為性命忍當筵輟箸
甘被旁人嗤半生夢想江瑶柱客或誇示長朶頤南遊
無一事直為口腹寧非癡土人向我言惜來非其時客
欲嘗此味請以冬為期清晨無端食指動腥風怪雨入
座紛離披天教尤物落吾手海市忽逐神鞭移常鱗凡

介盡辟易獨許上品當釜錡其形初如羊角合條若蝙蝠兩翅張襪襪格高味厚少為貴中間甲柱孤撐搗淪以百沸湯逡巡發華滋鮮於金盤露潔比白玉脂食經百六十五卷鳴薑點醬無不宜良庖俗庖兩兩割烹好方法不用傳嚴龜隋大業中刻淮南王食經一百六十五卷唐人嚴龜有食法十卷退之引類及章舉坡老比儼到荔支二公評隲竟誰是吾方飽噉不暇措一辭

林草臣攜酒見過

草堂無定所，亂後屬他人。愛客老尤篤，論交晚自親。割鮮兼衆味，載酒過比鄰。一醉叨深眷，翻憐地主貧。

養蜂歌

逆旅主人貪養蜂，木櫃中結房千重。別開孔竅聽出入，高置簷宇虞奔衝。頗同君臣儼有禮，稍別種族如知宗。兩衙薨薨勤鼓翅，四序擾擾無停蹤。婦姑勃蹊或同室，子弟盛壯旋分封。秦宮每向花底活，韓憑大抵枝頭逢。苦蕪黃連充藥使，甘比稼穡成花農。乾坤大哉類斯聚。

形體眇爾性則克天生是物本巖谷於世無競宜相容
自求辛螫誰作俑乃至役物為人傭僦居一椽在隘巷
偏側欲避愁無從明知倉卒非大害未免有意防針鋒
吾將縱汝任所適解衣盤礴便踈慵主人一笑不見許
留待割蜜當嚴冬

汪學使棣園寄餉興化荔支

南越百株移遠植西川一騎走炎埃如何兩日楓亭路
也為先生置驛來

林竹筠封翁招飲榕菴

山根沮洳濕蒼苔，別業重新鑿石開。但使周遭留竹樹，

不妨次第補亭臺。五經又課諸孫讀，

次公碧山以五經推第故云

一

榼頻攜遠客來，指點舊時門徑改。雙榕前歲拔風雷，

前門

榕樹二株丙子七月為大風所拔

汪悔齋方伯署庭有荔支小暑後摘以見餉率

成十六韻

陰合重樓外枝垂，曲檻東珊瑚推舊譜玳瑁占新叢。畫

省初凝露薇垣迴得風繁星紛乍摘白雪沃俱融步障

絲褰紫宮衣袖卷紅品方瑶柱美

東坡梅溪以江瑶柱比荔枝

肌愛

玉環豐只許輝銀印

白樂天寄楊使君荔枝詩對君銀印色相鮮

何期餉竹

籠從來臭味合大抵餽貽通不是分甘好將毋嚼蠟同

炎官方赫赫熱屬又蟲蟲解駁涼無汗醫蠲渴有功稍

宜親夏篔帷欠剝春葱長樂全勝畫郵亭尚憶楓

長樂所產

名勝畫者可與興化之楓亭相匹皆名種晚熟者

近應來郡縣遠不比瀘戎

少陵

詩憶過瀘戎摘荔枝

旅橐終難致頃筐倘更蒙此遊專為口貪得

笑何窮

甘泉漢瓦歌為侯官林同人賦

林生老立專門學金石遺文卷盈握曾經從宦走長安
斷碣殘碑蘚親剝昭陵蹟廢補亡闕磨石山高穿硤确
冰霜裂面虎豹嗥沙礫堆中拾完璞摩挲銅狄自何年
萬棟灰飛片瓦全為按黃圖考宮殿始知地是漢甘泉
底平面正規而圓肖形似鏡還如錢其高半寸徑三寸
旁具輪郭中不穿土花蝕後文留識

音志

上有長生未央

字龍拏鳳攫結撰竒肉厚肌疎形體異與人作硯不中
用抱質如初無變置吁嗟乎楊南劉敬不作識者希時
俗誰能辨真偽巧多滋偽樸者真此瓦人間蓋無二豈
同冰井香姜閣埏埴紛紛托疑似勸生勿更加礱磨本
色須教存古意生領此語索我詩我詩質直無姱辭請
煩拓致數十本徧乞羊何共和之或恐流傳落人口陶
甄又復成今手

張民瞻舍人趙二今孝廉同日餉荔支

側生倒挂頰虬珠後先磊落致座隅空齋長夏失炎熱
中有仙姝冰雪膚太真飛燕兩媚嫵那辨徐家蔡家譜

新譜蔡君謨著
田楷徐師閏著

野人揣分已不廉一飽今朝煩二主

此生大嚼知幾回一日可少三百枚從茲便結荔支社

用東坡
嶺南事

日日西禪寺裏來

六月初六日同竹垞青壇過長慶寺噉荔支二

首

碧蘚埋唐碣紅雲擁寺門客嘗初揀樹僧引為開園甘

露充香飯清泉注瓦盆分沾徧僮僕猶自壓枝繁

蚶殼稍稍重星球箇箇圓生偏當遠嶠吾及遇豐年

寺僧

云今年荔子最熟
似為速客設供

邂逅三人話衰遲一飽緣勿嫌來較

晚禽鳥讓爭先

與陳漳浦莘學話舊

誰憐香案吏遠謫到南天索米洵非易折腰良不甘山

租輸海貝市舶賤邊楠喜拜貧官惠輕風白葛含

時以廣葛

贈見

數日前作詩報悔齋方伯末有無厭之請蓋在
楓亭荔支也朝來果蒙分餉再成一律

四樹楓亭種曾經入貢餘人間應漸少名下果無虛絕
品慚供客兼程苦累渠色香全未減地主誼何如

驛庭只四

樹樹老半枯枝闕人
宋比玉荔支詩也

龔運使榕溪招飲園亭

擲印歸家鬢未蒼手栽梧竹關池塘到來但覺綠陰好
坐久始知清晝長客子解衣思避暑主人投轄怕逃觴

不辭戶小拚沈醉三伏世間無此涼

飲陳集斯烏石山莊

炎天塵滿街襟襪何太苦野人寡酬酢一飯必擇主陳
生靜者流邀我遊椒塢小樓城北面豁達寄簷宇漸入
轉幽深忽高迷步武清泉閱巖竇涓滴時復吐碧眼貯
渟泓瀉為荷芰渚隔籬微辨徑疊石不帶土瘦竹走長
鞭淡花垂細乳木桃正垂實

木桃似木瓜而有紋
上結一臍如小桃

錯落

指可數中無一蟬嘶上有獨鶴舞孤亭出林表七塔皆

下俯客來導攀躋赤日方卓午清涼徹山骨快若新過
雨善病君得閒息交吾獨取何當把鏡柄共治黃精圃

六月十四夜喜雨

撲扇蚊蠅若不支乍涼聊與睡相宜一窗歸夢芭蕉雨
六月驚心蟋蟀詩遠客交遊長寂寞殊方節物極參差
明朝紅屐城西路已是潮田穫稻時

題讓竹亭修禊圖卷

何必山陰亦有亭一時盛事又丹青舊因洗竹開三徑

新為栽花讓半庭詩好儘容僧入社客來總與鶴忘形
年年上巳風光在長指天南聚酒星

送龔仲圭歸合肥

嗟余生苦晚前輩目未識側聞長老言蘊穡推厚德煌
煌端毅公古道手扶植南宮昔校士良祿就陶埴至性
實憐才搜羅如不克謂宜餘澤在十世報猶食公子負
英才承家奉軌則干人非本意負米貧自力堂有白髮
親傷哉彼屺陟通門謁開府願望良易塞舊時桃李花

當路化荆棘交幾厄陳蔡歸及課畊織不污棗囊金正
復壯行色螺江水新漲帆影輕比翼一事足誇人來從

荔支國

薩天錫詩紅塵
香煖荔支國

仙遊茅筆歌

羣山海上來絡繹趨九仙仙翁此山住示夢於幾先

九仙

祠祈夢
最靈

山中老樵枕石眠斧柯斷爛不記年夢中髣髴

遇神授筆花晝吐黃茅天覺來信手縛不律巧被筆工
偷妙術遂令九仙祠下三脊茅用與雞毛鼠須匹中書

免冠頭不禿管蒯居然效微質幸渠一束價未高殿頭
簪珥非汝曹若教朱墨官盡取便恐仙山成不毛君不
見連山伐竹免拔毫鐵梳膠綴何其勞穢史自執奸吏
操直與此輩供錐刀老夫抄書指生齒怕搦人間管城
管塗鴉結蚓隨爾為不要殘年護吾短

壽山石歌

周禮重璽節後來印章毋乃同自從秦人刻玉稱國寶
此外雜用金銀銅鑄成往往上戴紐扇鼻作力碑趺雄

橐駝羔鹿虎豹龍細者龜兔巨者貌與熊肖形寓像隨
所好繆篆法與蟲魚通漢時斗檢封下沿唐宋仍相蒙
神龍貞觀宣和中六印旁及金章宗當時御府收藏及

書畫首尾鈐識丹砂紅民間私記不知幾千萬楊

克一
有集

古印
格 王

厚之有復
齋印譜

姜

夔有集
古印譜 趙

子昂有
印史

集古誰能窮車

磬瑪瑙犀角及象齒苟適於用俱牢籠後來摹刻忽以

石其法創自王山農

元末諸暨人王冕自稱煮石
山農始用花乳石刻私印

自元

歷明三百載巧匠到處搜碯鑿吾鄉青田舊坑凍價重

蒼壁兼黃琮福州壽山晚始著強藩力取如輸攻初聞

城北門日役萬指傭千工掘田田盡廢

壽山石產田中者最佳

鑿

山山為空崑岡火連三月烽玉石俱碎汙其宮况加官

長日檢括土產率以苞苴充令之存者大洞蓋已少

大洞

所產亞於田石別穿巖穴開芙蓉

今所用者皆出芙蓉巖

居人業此成石

戶斑白老叟攜兒童采來製紐尚倣古一一彫琢加磨

礪我聞金石古稱壽茲山取義奚所從如何出寶還自

賊地脉將斷天無功山靈有知便合變頑礦庶與鴻濛

混沌相始終

以蜜漬生荔支戲成一律

蠟黃封蒂上方奩

未入蜜時先融蠟封蒂

兩月南中已屬厭筐篚

人情憐白曬瓶罌方法愛紅鹽

白曬紅鹽俱見君謨荔譜

離枝便減

三分色入蜜懸知一味甜珍重老翁親手摘歸教兒女
得分沾

飲張民瞻齋

出牆藤蔓走龍蛇指點相過路不賒却喜鄰居連北巷

每拈書籍問東家

寓舍去張最近
頗得借書故云

涼生翠蓋亭邊雨風

落紅薇屋角花借取深杯還接燭不愁官鼓夜催過

夕是

微雨竹垞先歸余及龔
容溪兩人復留縱飲

高斯億為余畫竹以詩報之

畫竹原從草書出眼中孰是張芝筆高生善書久絕倫
餘技兼為竹寫真自言亦用狂草法頗覺遊戲能通神
無諸城中少修竹客舍連旬苦炎毒賴君妙手補化工
為我一揮終十幅幅終擲筆風雨來野人踈爽心顏開

須臾雨止墨光濕潤入紙背生蒼苔老龍蛻骨瘦崛強

翠鳳掉尾紛毳毳魄雄氣大腕力壯盡掃篠蕩皆凡材

忽然幻作鐵鉤鎖

江南李圭作竹自根及梢極小者一鉤勒成謂之鐵鉤鎖自云惟柳公

權有此筆法

世有誠懸應識我渭川千畝胸鬱蟠放縱精微

無不可文湖州派繼者難後來獨推王孟端人間多畫

風中柳

東坡題文與可墨竹詩那將春蚓筆畫作風中柳

珍重蕭郎十五竿

斯億

墨竹甚自秘重故用蕭悅事為比

福州太守毀淫祠歌

愚眊致貧蓋有術祈福淫祠亦其一八閩風俗尤信巫
社鼠城狐就私暱巫言今年神降殃癘疫將作勢莫當
家家殺牛磔羊豕舉國奔走如風狂迎神送神解神怒
會掠金錢十萬戶旗旄夾道鹵簿馳官長行來不避路
忽聞下令燔妖廬居民聚族初睢盱青天白日鬼怪遁
向來祇奉寧非愚嗟嗟千年陋習牢相紐劈正須煩巨
靈手江南狄公永州柳此事今亡古亦偶獨不見福州
遲太守

題悔齋方伯小照二首

鯨吐鰲擲氣何如目送雲濤蕩碧虛
記得大羅天上事
澗山難著白尚書

獨立蒼茫又一竒
長松怪石兩參差
披圖聊識高人意
未是科頭曳履時

楊浴菴餞別於謀野莊

黃門門下無多士

楊為先黃門伯
禮聞所取士

三十年來盡罷官
白

首荷君存古道清樽留我話
更闌科名得路人
餘幾子

弟能文事最難別後倘逢潮信便好從魚素報平安

垂橐集

起戊寅七月
盡十二月

舟發螺江林草臣張民瞻追送於洪山橋

小雨作秋涼扁舟客將返殷勤良友意送我不辭遠洪
塘十五里短亭復長亭可憐橋下水臨別難為聽來時
梅子黃去時龍眼熟新歡旋已散後會恐未卜勿謂嶺
海遙合并諒有由所嗟迫衰賤去住兩白頭

朝發竹崎順風晚抵水口驛

荔海南來得飽餐此遊那更笑無端歸帆偶得東風便
明日方知上水難自此以上皆險灘矣涼月一梳微帶暈暗潮三
尺忽平灘炎方未必無清景貪向船頭坐夜闌

初上灘

建溪之惡惡無比狠石高低勢隨水竹篙如鐵船似紙
曲折蜂窠犬牙裏南浦迢迢六百里大灘小灘從此始
黃河亦可濫觴耳不到水窮行不止

逆水逆風歌戲呈竹垞

逆水曠強弩逆風簸蠻旗
溢灘怪石張頷頤使我有
筵不敢拽有篙不能施
但見北來船乘流挂席
東南馳我欲問天天不
可問丈夫處世各有利
鈍塞者自塞通自通
造化小兒遊戲中解后
兩相值我適遭其窮却
笑竹垞老與我同舟還
遇風乃以我故兼累翁
翁今涉世頗知退坐狎
雷霆如一噫我拍手翁
和歌人生大都逆境多
順流豈遂無風波

七月十五夜泊埂程

一村樹合烟初暝四面山高月未升隔岸聞鐘知有寺
滿川風浪放河燈

折紙灘

去尤溪縣
二十里

可憐尤溪灘險於太行山羊腸九折有路猶可攀折紙
一折乃在疾雷掣電中央間高下旣懸絕東西故彎還
上灘不易下更艱有生寄命脆如此揺手休輕過折紙

箭孔灘

銅牙發利矢未足喻其急小舟欲穿針孔入石梯倒行

三十級強弓寸寸彎不得羿設不中嗟何及束手號天
天雨泣

茶陽灘

舟人口號云大水大湘小水
茶陽謂水落時茶陽最險也

大水大湘小水茶陽巨川塞路如牛如羊叱之不動迺是
石波臣橫踞千步岡當時大禹疏鑿不到此漸長牙角勢
莫當棄置九州外放流比投荒如今郡縣闢海外尚於中
道梗咽為民殃何人為剷除毋令與水爭強梁石言吾何
辜水性本易怒請君看取淮揚交正坐中流無砥柱

盆灘

灘險寓盆名波瀾頗不小寄語踏浪兒如何狎池沼

雨後過南鴉口

暴漲添三丈朝來冒兩涯山深惟古戍岸轉忽人家苦

竹秋來笋紅薑雨後芽似聞靈鵲語報我過南鴉

朝來聞鵲

聲延平以南所無也

建寧遇德州田子益以蜜漬荔枝分餉

兩月三山客歸裝但荔枝製來經我手開處及君頤野

饋憐同好人情感過時平生甘苦分一味不曾私

飲甌寧陳明府陞來縣齋

京國三年別溪山半日留眼中逢地主意外繫歸舟對
酒寬相憶當歌感昔遊應憐舊同學臨老獨漂流

萬石灘

俗名阿彌陀佛灘
中流有三石幢

物各以類從號石數有萬波流石自止於義特取良憶
昨經茲灘蘄巖爭自獻今看三石柱尋丈纔露寸一條
換骨龍掉尾秋更健逡巡溯流上淹滯得无悶揚帆過

須臾正賴長女巽舟人歸佛力剪紙酬夙愿老夫亦欣然滿酌不待勸

大小米灘

掀波成山石作底風平石出波瀾瀾秋天一碧雨新洗
大灘小灘如撒米

牛頭牛尾灘

牛頭彎稜稜牛尾直挺挺牛腰沒水五里長牛角雙雙
亞梳頂我聞灩澦如馬戒舟杭爾牛曷不服爾箱又聞

刻石作犀鎮水怪爾牛胡敢恣為害夜從甯戚飯朝就
巢父飲或蓑或笠或訛寢客過灘頭亦安枕

重過雙溪口懷武夸舊遊二首

雲封霧冒失烟鬟縱棹曾從九曲還自覺秋來遊興嬾
竟貪歸路不登山

飄飄笙鶴萬峯頭只許南來一度遊不分此生難再到
蓬萊風近且迴舟

迴龍渡

已窮三日程未盡西甌境晚烟投古渡歷歷見人影北
際仙霞關東走括蒼嶺中間小聚落百舍同一井結屋
深箬中開田萬松頂年豐米價賤市散村聲靜野戍依
其旁孤燈光耿耿雖無荷及役尚有擊擄警殘月猶未
生寥寥秋夜永勞生竟何事俯仰媿清景

龍牙灘

乖龍竊天符噀霧南入海無端蛻鱗甲墮地幾千載帝
將馴擾之不忍甚厥罪已令化為石本性終未改欲遣

水逆流障川作峩嶇河神勿聽命蓄怒更百倍森然磨
其牙昂首若有待舟行一不戒適掬魚鼈餒幸以險著
名設防亦每每篙師出全力遇此愈精采滅頂世豈無
毋貽過時悔

蓮花灘

潭潭積水中沈石知多少偶然一呈露妍醜難自保茲
灘乃以蓮花稱秀出溪面開層層惜哉非所據徒取見
者憎不見關中岳蓮撐兩峰江上九子名芙蓉千年老

鶴巢雲松仙居縹緲築臺殿復有詩老來扶筇爾今胡
為不自拔縱使娟好誰為容漁翁溪女詎知賞惟見蚌
沫相噉喙石兮如有知得地未必非遭逢

鼠灘

五行紀異古垂戒銜尾渡江占鼠怪從來一穴可沈舟
為禍於人豈在大張湯雖酷未盡除我今方嫌漢網疎
致令此輩繁有徒詭托黠狀生江湖安得秦時鞭石法
驅使浮沉逐鷺鴨太倉溷廁從渠偷切莫飲水污清流

同學王令貽於庚午冬過嶺有南浦見寄絕句
今日至浦城追憶前詩和此遙答時令貽宰黔
之銅仁

平生怕讀江淹賦南浦今來別恨同此地故人曾憶我
一官今落瘴烟中

綠波亭

愛山愛水成吾癖一笑艱辛亦飽經虎舌龍牙初脫險

二灘又題詩上綠波亭

行經夢筆山下

詞賦成名只等閒，寸心得失畧相關。
詩人老去防才盡，不敢輕嘲夢筆山。

發浦城晚宿漁梁嶺下

城北城南叫鷓鴣，似言前路極崎嶇。
回思習坎真輕命，頗覺升高是坦途。
戍壘防秋仍鼓角，人家經亂久榛蕪。
殘燈影裏蕭蕭夕，萬疊荒山客夢孤。

梨嶺廟前古松為火所焚，作歌弔之。

吾聞梨嶺廟前老松樹舊與嶺勢爭岩堯此廟有興廢
此松閱世不知凡幾朝亦不知其高幾萬丈直從山根
拔起上蔽山之椒今來何聞寥竽籟不復聞蕭韶可憐
去年秋已作霹靂焦雷公斬斷青虬腰白鶴飛去誰能
招豈無榎栴與竹栢坐覺滿山氣象入望成蕭條獨留
古根深礪底神呵鬼護如靈苗茯苓歲久化琥珀居人
德薄何敢以倖邀翻思十年前東南寇盜蜂擁潮山童
石楮供爨樵汝於此時幸得脫賊兵不斫乃被野火燒

天既賦良材使得干雲霄胡為灰劫隨僧寮長成艱難
摧拉易自古在昔非今朝嗚呼自古在昔非今朝

度仙霞關題天雨菴壁

虎嘯猿啼萬壑哀北風吹雨過山來人從井底盤旋上
龍井嶺下有天向關門豁達開地險昔曾資劇賊時平誰敢
說雄才一茶好領閒僧意知是芒屨到幾回

峽口初入衢
州界

矮屋荒村岸浮橋亂水灣船初通峽口路已入鄉關紅

歛初沈日青餘未了山沙田秋熟早牛更比人閒

雨中過江郎街二首

奇峰登五老秀嶺度雙姑

昨度大小揚姑嶺

好笑三郎石朝來

却避吾

雨滴松杉徑烟迷櫂極鄉秋山行處好何必識江郎

曉晴發清湖鎮舟中望江郎山

碓牀石瀨響泠泠愛入歸人舊耳聽岸草綠痕移蟋蟀
水花紅影帶蜻蜓樵爭曉市秋初霽風轉荒灣櫂一停

雲霧不遮南望眼三峰回首偏天青

雲尖渡即目

水鳥插頭眠近船忽羣去只有一條谿前飛落何處

雨夜宿王子穎龍游學署

先生六十鬢將華老去方憐始願奢百里好山長繞郭
一官閒地便移家空堂對酒涼生幔細雨移燈夜落花
分爾歸裝無俗物芙蓉巖石竹窠茶

巖陵二絕句

巢由等是未稱臣
自占箕山潁水濱
誰遣州名屬流寓
却疑此地竟無人

信公門下實多才
柴市餘生大可哀
不是英雄誰有泪
更無一個哭西臺

夜發富陽曉至泥汊避潮小泊

浦口沙積岸潭頭
雨壞橋客程兼昨
夜鄉夢破今朝
小堰孤舟渡荒山
八月樵風波歸更
怕不賦廣陵潮

吼山

天開地坼石崢嶸
一棹穿雲入壘城
喚起清風答長嘯
滿山松柏盡雷鳴

偶遊蘭亭

黃茅十里騎驢路
中有南朝內史祠
墨本尚傳修禊帖
紅牆新護

御書碑浮橋過雨
衝泥渡曲水平階
疊石為一笑山陰
付陳迹人間何事
不兒嬉

語溪舟中與竹垞別

一條柳標一扁舟每過佳山約少留
榕葉蕉陰消客夏
芡盤菱角到家秋粗償行脚平生債
不爽歸期汗漫游
我有新詩同七發起翁微病待翁
訓時竹翁
方抱病

閩中垂橐而歸家人適告米盡口占二律

烏有歸來問子虛鄉園米價近何如
雞爭野老場邊粟
鼠啣先生案上書閱世始憐貧是病
占年空說衆維魚
荔支飽噉吾知分此福從來有折除

半生顏狀忝風塵檢點身謀悔亦頻
辟穀有方宜拔宅

毀車無用是勞薪
篋空笑貯加餐字
吾老羞為乞米人

賓客不來僮僕散
免教鶯雁惱比隣

昌黎詩兩
牆垣鶯雁

戊寅除夕

手中著擲流光過

東坡詩流年已似手中
著余今年四十九矣

老境猶彎寸

寸弓鄉曲無醫憐
病婦米鹽何物累
衰翁一家懸磬豐

年後萬事挑燈此
夕中那不癡騃
逐兒女試看禿鬢已

還童

敬業堂詩集卷二十五

欽定四庫全書

集部

敬業堂詩集卷二十六至

詳校官左中允臣瑋五珠

助教臣常循覆勘

總校官庶吉士臣倉聖脉

校對官中書臣雷純

騰錄監生臣蔣厚傳

欽定四庫全書

敬業堂詩集卷二十六

翰林院編修查慎行撰

杖家集

起己卯正月
盡十二月

歲已卯婦病沉懸為之料理醫藥入冬悼亡治喪
又踰月始計偕北上時余年五十矣豈意杖家之
日乃為妻杖期之日乎

四日立春

風從東來雲四散獻節重開月上澣田家占歲在新春
已過三朝不暇懶起除雞柵掃庭宇旋拆牛宮治町疇
去冬無雪土不膏蠶豆根拳麥苗短直憑今日占今年
喜動桑榆一村暖野夫杖藜亦蚤出走向橋西閒趁伴
偶逢鄰叟看春還云見城門懸

詔板鸞輿是月南巡狩為念頻年淮泗滿宣房未築茭
捷空畚鍤須臾庸可緩洪流渙渙冰開後肯信吾鄉猶
早曠勿愁燠沐入春無

漢明帝永平四年詔冬無宿雪
春不燠沐注云無暄潤之氣

雨露行隨拂雲罕

山陰道中喜雨

謝家雙屐舊曾攜
轉覺清游愛會稽
白堊紅亭山向背
赤欄烏榜岸東西
波光拂鏡羣鵝浴
竹氣通煙一鳥啼
野老豈知身入畫
滿田春雨自扶犁

曹娥廟

掠面飛蝙蝠當門印虎蹄
我來尋古廟人為指新泥
前
夕有虎入廟
小市風掀瓦高江浪壓堤
連宵巫覡喜殺盡一

村

佳上元前後里人賽社
羣集廟中燈火最盛

上元前一日飲陶穎儒上虞縣齋

溪山漸入漸無窮
短棹飄然又浙東
載酒也應懷賀老
折腰母乃累陶公
論交世路風塵外
得句春帆雨雪中

是日大雪

記取山城作元夕
一燈曾為兩人紅

雪後從西興晚渡錢塘江

牛車沒轂水沙渾
暗長春潮二尺痕
萬竈鋪煙沉海戍
兩山銜雪束江豐
船開渡口愁將晚
月到圓時過上元

莫負承平好風景河塘燈火鬧黃昏

宋時沙河塘燈火最盛東坡詩繁星

關河塘

十七夜會城觀燈

委巷爭除道殘燈未拆棚所難惟物力最動是民情白

屋寒堆雪紅樓夜放晴俗貧官不諒簫鼓徧春城時萬乘

將南巡州縣承上官意比戶皆令張燈起自十三至十七夜照耀如白晝數十年僅見也

偶題

天闕竹藤緣底事偶因展卷一歛歔武成或取二三策

戰國漫誇短長書

史記索隱云戰國策亦名短長書

未到流傳成帝虎

不應磊落鄙蟲魚曾從顏氏看家訓何用和凝百卷餘

王應麟困學紀聞云和凝為文以多為富有集百餘卷自鏤板行於世識者多非之此顏之推所謂診痴符也

題王松年流觴曲水圖二首

內史家風世不如流觴長記暮春初如今勝事傳來別

楔帖鐫碑換

御書

紅墻新割老僧田鑿石穿渠又五年畢竟讓君圖畫好

茂林修竹近天然

題鳴野叔趺坐圖

華髮蒼顏映白須，列仙真個是臞儒。
一丘一壑誰能畫

留待長康自補圖

叔工畫山水

春分前三日南湖舟中口占

節物今年異，春分尚有梅。畫船依音岸泊，高閣偪雲開。

水郭連旬雨，湖天昨夜雷。莫催桃李放，留待

翠華來

時間大駕已發京師

連雨不止獨居小樓和陶雜詩十一首但借其
韻不擬其體也

檐空有餘滴窻暗無隙塵几榻隨所設頽然置我身幸
無俗客喧聊與書卷親溼薪爇破竈煙氣迷四鄰明明
際陽和奈此晦昧晨寧無好桃杏寂寞傷遊人

晚色時一晴殘陽帶諸嶺參差入我牖出沒墮空景夜
雨旋復鳴三更布衾冷漫漫失清旦未覺春晝永起望
海岸山依然化雲影狂風卷平地水勢怒欲騁誰知倚

樓人注目心逾靜

杖藜雖鮮適幽事亦易量
盆蘭如佳人含笑新出房
瓦盆列左右獨坐於中央
泠泠風露晨宛在南山陽
勿將明媚眼換此冰雪腸

種樹待春風花開人向老
媚人以華色花亦難自保
泣然靈潦中倉卒難就燥
天工詎汝惜得氣翻悔早
蜂蝶兩不知芳心為誰抱
既開會有落茲理何足道

雙燕將來巢經營尚猶豫
窺簷時下上入室互翔翥
初

如擇所依終乃訖不去烏衣亦可托寧免漂搖慮舊年
堂上賓風雨今焉如浮塵寓天地孰者為去住始知鵬
鷄遊未到逍遙處區區按大小叛道吾竊懼

雨來鳩喚愁雨止鵲聲喜咄哉二鳥微鳴噪強多事陰
晴及旱潦造物茫茫意偏勝豈必無時行偶相值但看
雲變隼忽散飈如駛馳思亦何為燥濕隨宜置

我窮不有命生理乃見迫遂令多牛翁傲人以阡陌盎
無五斗陳甕有十月白薰然壹醉富未覺真鄉乍連宵

風雨聲夢破江湖客浮家猶見累何計成拔宅

老夫不任畊病婦兼廢桑本務既兩失衣單食糝糠莽
蒼無所之况需三月糶連陰欲何請却立希朝陽低頭
爾室中跼蹐敢自傷寸田富梨棗辟穀何竒方仙人去
我遥再拜酌一觴

人情動如潮洶洶非一端三農赴力役百賈逐貿遷因
之情游民狂走成癡顛

至尊軫疾苦玉食方風餐肯以供億繁而為奸吏緣柔

能暨遠邇義在大雅篇

異端好大言談天率無稽欺人盡壘贖自位高崇崖使
讀聖賢書未必副所懷背馳去千里詎易相逢彌合之
則兩傷不如聽其滴吾道譬暉曜潛見示角羈積陰等
薄蝕暫蔽焉能虧

海角已窮僻村中更蒼涼春流渾渾來欲濟川無梁舊
來豆麥隴半作鼃龜鄉甘澤苟非時殺菽同殞霜詩成
感蔚蒼惡草日夜長

春分後大雪和陶連雨獨飲韻

物情向暄潤天道殊不然却收花柳姿都付冰雪間老
梅閱世久崛強如頑仙瘦竹亦舊栽影障池南天朝來
悉被壓天闕無後先初疑冬太暖倚伏理必還豈獨一
黃楊百厄同閏年聞者或不察吾詩若響言

西湖擢歌詞十首

栽松城石號花園亭剪撥毛竹織樊貪看

御舟新樣子遊人多出湧金門

御舟以撥毛為亭中
植松竹名花園船

湖面平添積雨餘放生池外葑初除誰司水族加恩簿
開過桃花未打魚

曼行魚龍百戲張蜃樓幻出水中央船頭風引三山近

方丈蓬萊望渺茫

時禁游人不
得登湖心亭

滇茶紅染鶴頭殷畫檻朱欄點綴間何限兩堤花柳色

却收小景上盆山

亭臺到處羅列盆
景寶珠山茶尤多

草色纔青柳未齊石函橋北斷橋西琉璃一片樓臺影

過盡笙歌十里隄

鑿開混沌著丹青
落石猶疑處士星
白鶴不歸梅樹老
鷺鷥飛上

御書亭

萬葉千花綴彩棚
火蓮龜背吐層層
不知白日長多少
又點湖心照夜燈

漁家小女髮如油
新向湖干學盪舟
也道城中粧束好
碧波回眼看梳頭

蜂喧蝶鬧奈春何
拂面風香過綺羅
此意少年應未會

第三橋畔落花多

弄潮天氣中秋後，競渡風光午日前。
併與西湖作寒食，人生行樂趣今年。

愷功侍讀扈從至杭喜成二律

夢想清遊十載餘，此來兼得侍

鑾輿。一厨自展將軍畫，三篋行隨秘監書。
不少吟聯傳

館閣

愷功與陳乾齋南來唱和成卷

可無長策佐河渠，自從南涉江淮

後司馬文章世不如

沉玉零芟事已賒十年泛泛使臣查此行直為河渠出
望祀虛傳萬里沙

六龍南下宿遷城三月桃花浪已平多少詞臣爭獻頌
黃河應為

聖人清

淮泗東南盡海邦家家羊酒壓豐杠綠牌曉奏知名姓
特慰輿情一渡江

盡除鹵簿撤朝班耆老來迎

御舫還為話道旁經眼見

天顏有喜侍

慈顏

德音一日徧江湖百萬重聞貸宿逋
洒道清塵皆雨露
不因水旱始蠲租

行過山鄉又水鄉豆花褪後麥苗長
翠華小駐非無意要使宮人識采桑

岳牧頻煩事屢詢

屬車偶動為勤民從今便引虞書例直望

君王歲一巡

眼鏡

巧製海西傳能爭造化權隙光分日月宿障掃雲煙頓
覺生虛白猶堪續草玄一編聊炳燭兀兀慰衰年

查浦書屋圖為德尹題四首

兩磚斜日過墻遲課罷頻看桂影移此樹年來生意盡
可堪頭白話兒時

聽事東偏小齋余與弟幼時讀書處也庭有老桂一本每視樹影上墻為

故學之候今
挂已為薪矣

生子還同邵伯温

弟年四十五生子
故借邵堯夫事

見翁時節恰能言

挽須問事休輕嚇直為憐渠合杜門

五十年來老弟兄暫歸也復可憐生一燈不作

音

江湖

夢好片對床風雨聲

藏書不過五千卷築屋只消八九楹先被畊煙偷畫藁

圖為玉石谷所寫石
谷自畧畊煙散人

問君書屋幾時成

留筍

好筍如人意新梢補舊林
汝長應計日吾老望成陰
不礙疎籬破能令曲徑深
咸韶如到耳風雨助清音

竹兼風雨

似咸韶黃伐檀句

五十生日德尹次二蘇兄弟生日唱和詩為壽

次答二首

百年突過半千慮鮮得一無聞
世或疑衰賤天所隲妄
心雖漸退始願竟莫必
鐘鼓委盲聾主賓炫名實
窮為東野鳴拙被南宮黜
那將桑榆晚坐待婚嫁畢
人言庚

寅降賦命例不吉吉祥在止止虛白生爾室結習顧未
忘時猶弄詩筆可傳或有在老境知幾日

蹉跎向遲暮孤露追本始自我稱鮮民餅壘久抱恥有
親養不逮具體痛瘡痕忍復把一觴覩顏對兒子稍欣
老兄弟兩杖交頭倚分飛二十年意料不及此驕榮落
霜葉浮慮淨槩几庶幾共殘年服食勝菊杞

池上看雨

五月蓮未華團團葉如扇亭亭不自匿一一出池面細

雨聽無聲初於葉上見綠盤擊不定的鱗珠光旋流永
忽一傾倒垂三尺練萍開魚影聚萍合魚影散即事偶
成詩悠然觀物變

建蘭已萎盆中稗草叢生

誰云造物好栽培膏澤多教長不才此理年來看爛熟
建蘭盆上稗花開

梅雨初晴

沮洳下溼生蒼苔三旬苦雨經黃梅水田萬蛤夜羣吠

林巷一蟬晴忽來晒書亭前日淡淡打麥場上風飄飄
鄰家作苦一相勞耘鼓正報槐花開

海塘行

邑城去海十步遙塘為外捍非一朝去年八月塘忽壞
洲渾崩裂隨秋潮邇來沙漲三十里魚鱉殘生差可喜
縣官欲為先事防倡議重修從此始人輸一石名樂輸
石兮無脛何可驅編排既須照戶籍運致仍復煩丁夫
里符夜下朝必赴田卒污萊敢申訴築塘捍海亦為民

此事不勞官長怒公旬三日古有之向蠲力役誰所為
吾邑戶口十萬丁丑冬縣令王某人情已自逐游惰亦
忽盡除丁糧每田十畝代納一丁與三農同怨咨火雲燒空日光赤盡遣山田龜兆拆陽
侯勸爾莫漫驕緩我塘工待農隙

暑夜

滿庭荇藻疑浮空樓陰乃在樹影中繁星沸天月將落
銀漢中亘垂天虹夜深人靜氣一斂坐覺襟袖來微風
波紋搖窗簾呱呱煙氣隔幃紗濛濛暑徂涼近誰最警

露草已報吟秋蟲

餅中紅白蓮花

紅蓮頰如霞白蓮淡如雪兩皆以色故幻相紛羅列或
云色即空紅白本無別或云空即色是紅要非白入我
止觀中萬象隨起滅一瓶井華水眼界琉璃徹空花久
已除此色為誰設

秋旱四十韻

槁壤黃塵外明霞杲日西直防金被鑠頗怪火猶稽箕

畢占曾驗陰陽數不齊雄雷張旱氣

師曠占云雷始起其霹靂者所謂雄

雷旱氣也

雌霓散朝隤一物闕災青羣情固慘悽潤希蛛網

露乾裂燕梁泥蚯蚓潛深穴蛟龍困老隄蝸涎粘壁死

鷺脚插巢棲舌燥呼羣鴨沙歛振羽雞魚噉貪涸轍牛

喘失涪蹄萍塊膠連蚌苔痕兆拆螻涉波無白獮聒耳

厭青蜥古栢俄成杌衰楊那復稊瘦針撐棘枳桑木偃

擘撕蕉碎離披卷桐孿小弱圭宮槐當書聶

爾雅守宮槐葉畫聶

夜岸葵舉叢低乾曠悲荒蔚爭先任蒺藜

埤雅蒺藜旱草也歲欲旱

早草先生竹身焚忽爆花面炙多薰是水湯同沸無岡石不

鬻為時宜長養有力故排擠壞葉頻辭樹良苗半萎畦
村村拋襪襖戶戶挂耒犁瓶卧空依井橋長尚跨谿蝗
來疑布陣螢照儼然犀東海行枯矣南山望蔚兮更誰
施補救不過禁屠封巫覡終難信童謡豈有倪吁嗟聽
藐藐爾雅注雩之祭舞者吁嗟而請雨瞻印日睽睽客或歌雲漢吾方
賦病梨相煎何太迫欲避奈無蹊烈燄融爐炭焦煙著
竈娃衿絺同挾纒懲熱到吹壘不擬開三徑因思接九

梯後漢東夷傳挹婁國土俗極寒穴居以深為貴大家至接九梯窮於入角鼠窘其觸

藩羝晨課書渾廢宵眠枕罷攜蠅聲俄已集蚊翼詎勝
批瘡土天難問勞生計總迷但聞風發發幾見滄淒淒
作苦隨鄰父沉繇奈老妻更愁兒索飯早晚傍門啼

即事

老夫畏暑如酷吏逃入鄰園樹影中貪趁槐陰成久坐
歸來衣上帶青蟲

大雨二十韻

時雨何妨驟秋陰不在多民情方舐望天意一滂沱卷
幔聲初到傾盆勢已俄隙光飛礮礮萬籟入壺磨地潤
雷全動風驍電突過水綃龍挂練甕繭鳳投梭急點齊
穿屋橫流倒瀉河搜林駢虎兇劈岸徙蛟鼉旱魃駢頭
溺天吳拔尾拖崑崙囚甫創蝮螫指非訛轉眼陰晴判
宜人燥溼和不關居塏塿乍喜去煩苛野氣通籬落斜
陽在薜蘿板橋閒倚杖茅舍亂堆蓑曖曖連村樹油油
被隴禾遠煙微映竹新瀾半歌荷菱角紅將采雞頭白

可搓蟬涼猶抱葉魚樂自跳波大有豐年象初聞野老
歌詩成無好語改罷亦長哦

打魚歌

秋池瀾瀾瀏且平罟師撒網初無聲綠玻璃碎鏡光裂
一尾撥刺千頭驚蛙跳蝦擲鱖亂似欲去此舉族行
豈知縱舍固有道竭澤之利吾忍爭老魚勢屈適就烹
死非其罪如韓彭弱魚力小如孩嬰分無倖理乃放生
本來於汝何厚薄恩怨不入須忘情可憐韓子不知足

一飽欲餽東溟鯨終當不殺賦淨業

梁武帝淨業賦見淨業之可愛與不

殺而為因

毋以口腹戕生成

曉過南湖

卧看西南落月圓朝來晴色滿湖煙孤城傍水開門早
一鷺如人蕩我前菰葉曉沉風外岸菱花秋淡影中天
何當穩與漁翁約長守蘆根舊釣船

時計偕北上

洞岵題壁

小驛三家市西京百里侯

漢書地理志有司吾侯國即此

河聲下淮甸

山路入沂州瘠地人多儉殘年客善愁南飛有孤雁急
急復奚求

喜遇同年汪東山與聯轡北上

京洛三年別升沉分已殊如何偏殘臘復此共長途

山東

丁丑成進士今
赴明年殿試

故態狂猶在名心老漸無夜寒君不飲

吾醉好相扶

除夜平原旅舍夢亡妻

分明入夢又嘗騰昨歲今朝病正增倦枕為余猶強起

殘樽到手已難勝
圍爐煖火兒烹藥
薄雪鈎簾婢上燈
誰遣荒雞忽驚覺
北風茅店冷於冰

敬業堂詩集卷二十六